

香港灣仔堂區教友

積極籌建煉靈聖堂

本報訊：對灣仔籌建煉靈堂消息，本報歷有所載，本港恩主教返任後，復推動其事，特發下公函一道，已見前期本報增刊號，至於該堂口之互勵會努力奮發

，亦不落人後，緊急招集幹部人員，於日前數度開會商討，進行籌建經費事項，一番熱烈之情緒，甚屬可嘉可賀。查灣仔教友自來熱心公教事業，神長有所提出

，莫不欣然勇爲，又該堂互勵會職員會友皆富義務精神，本大無畏之心情，指導羣衆，似此等之堂口，實屬罕有，誠堪作各教區堂口之模範也。復據該會於最近接獲檀香山中華公教青年會函，內稱：爲協助煉靈堂建築費，茲即寄上美金一百一十二元，該款尙在郵寄中，不久即可收到云。

公教報增刊

本港恩主教爲灣仔煉靈堂籌建經費呼籲港九全體教友樂助捐輸 緊急啓事

各位親愛之教友！

余今爲灣仔煉靈堂，籌建經費，緊急進行事。特此呼籲港九全體親愛之教友，踴躍勸捐，繼續樂助，各竭其力，成此聖堂，榮主愛人，厥福無量，此實爲余深心所默祝者也。

當余未返港之前，已得各方報告，香港灣仔堂區，各項教務工作，進展成績，異常優美。香港自經兵燹之後，舊觀仍多未復，惟我公教事業，恢復迅速，殊令人增加無限快慰。

其中要急須舉辦者，莫如灣仔堂區籌建之煉靈堂。其始灣仔本爲區區一隅之地，在昔多半爲貧乏之家，其後教友漸增，人數約有二千，雖常思建設新猷，然以能力所限，無由發展，誠足引爲憾事。

無何，該區教友，日益增多，每欲得一規模較大之聖堂，以爲每日及每主日，各教友參加彌撒，及其他聖事等之用。然而有願莫償，不得已只得續借嘉諾撒女修院設在灣仔之小聖堂。此小型聖堂，僅容百餘人而已，致令每赴聖堂之人，須佇立堂外，至領聖體時，踵趾相接，擠擁情形，於此可見。

該區教友，生活狀況雖互有參差，但思想簇新，仍不失爲一前進之教區，每思改革，尤以籌建新堂爲急務。遂於十年前，發動募捐，購置地基，面積雖狹，然亦稱爲籌建計劃局部成就。

區內教友，認爲建設該堂，急不容緩，乃集教友等，誠意祈禱；節食守齋，祈求繼續不休，捐項亦源源不絕。不謂霹靂一聲，戰端遽啓，數年來兵災慘狀，尤以灣仔一區爲最。惟各教友，劫後歸來，旋即籌議建築新堂，目下捐款已達至八萬餘元。此亦該區教友，一片熱忱，各界人士，感動捐助，余亦認爲如此偉大善舉應盡余之責任，爲之呼籲捐輸，以助該區教友人力物力之不足。

凡茲善舉，豈能袖手旁觀，不加一點之助力乎？深望 全港九親愛之教友，與公教各機關，共同再接再勵，踴躍輸將，上承 主旨，次愛教衆，有愛主愛人之誠意， 主恩自必普賜，或者數月之後，不難迎刃而解也。

茲有一貧困老嫗，曾捐助港幣五百圓，聞係典盡釵環，掃數捐出，以冀其身故後，在此煉靈堂，所獻祭禮，彼亦得享受者也。如此誠心，足爲捐助者之模範。凡我教衆，若能誠意幫助此聖堂，早日完成，庶不致因捐款不足，而功虧一簣也。

該堂爲奉獻煉靈而建，他日落成之後，每於瞻禮式之晨，特爲煉靈而祈求，凡曾經捐助者之已亡親友，亦得沾受其恩。吾等可以堅信者，若有誠心爲煉靈祈求，諸衆煉靈，必不忘祈求者之大恩，自必代我輩而轉求主，賜善行天國之路。

各捐助者，捐款至五百元，或超過五百元者，該堂特設置一雲石碑，刻其姓名或親屬之人，永留置堂中，以資紀念。甚願 港九各界人士及教友，慷慨解囊，玉成善舉，當仁不讓，毋落人後！

澤及枯骨，仁者之深心也，况念及如火如荼之煉靈乎？

全港九之親愛教友乎，幸祈投袂急起，共襄此偉大之善舉，多此一座落成之煉靈堂，即天國中多無數之潔淨靈魂也。與人方便，即自己之方便，深望毋以等閒視之，幸甚盼甚！

天主降生 一九四七年十月十五日

香港主教恩理覺